



Broj predmeta: UP-I-KSI-09-02/25
Datum: 14.05.2025. godine

Na osnovu člana 25. stav (1) tačka a) i b), člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“, broj: 19/21), Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane M.T., [REDACTED], Brčko, direktora Razvojno-garantnog fonda Brčko distrikt BiH, nosioca javne funkcije, na 120. sjednici, održanoj dana 14.05.2025. godine, donosi

RJEŠENJE

1. UTVRĐUJE SE da je M.T., [REDACTED], Brčko, kao nosilac javne funkcije, direktor Razvojno-garantnog fonda Brčko distrikt BiH, postupio protivno odredbama člana 21. stav (3) Zakona o sprečavanju sukoba interesa u institucijama Brčko distrikta Bosne i Hercegovine, na način da u roku od 30 dana od dana prestanka obavljanje javne funkcije Komisiji za odlučivanje o sukobu interesa, nije dostavio obavještenje o prestanku obavljanje javne funkcije direktora Razvojno-garantnog fonda Brčko distrikt BiH i Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja.
2. UTVRĐUJE SE da je M.T., kao nosilac javne funkcije, direktor Razvojno-garantnog fonda Brčko distrikta BiH postupio protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine na način da u roku od 30 dana od dana stupanja na javnu funkciju, Komisiji za odlučivanje o sukobu interesa nije podnio izvještaj o imovinskom stanju nosioca javne funkcije.
3. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, M.T. se shodno članu 39. stav (1) tačka b) Zakona izriče novčana kazna, i to obustavom dijela isplate naknade, koju nosilac javne funkcije prima za obavljanje javne funkcije u iznosu od 10% (deset posto) neto naknade.

Obrazloženje

M.T. je obnašao javnu funkciju direktora Razvojno-garantnog fonda Brčko distrikta BiH, u prvom četverogodišnjem mandatu u periodu od 15.06.2020. do 15.06.2024. godine, na osnovu Odluke o izboru i imenovanju najuspješnijeg kandidata za direktora Razvojno-garantnog fonda Brčko distrikta BiH broj: [REDACTED] od 08.06.2020. godine i obnaša javnu funkciju direktora Razvojno-garantnog fonda Brčko distrikta BiH u drugom četverogodišnjem mandatu, na osnovu Odluke o izboru i imenovanju najuspješnijeg kandidata za direktora Razvojno-garantnog fonda Brčko distrikta BiH broj: [REDACTED] od 07.06.2024. godine, te je shodno članu 2. stav (1) tačka b) i tačka c) Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Shodno Zakonu „javna funkcija“ je funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta BiH, odnosno Vlada Brčko distrikta BiH, ukoliko drugim zakonom nije drugačije propisano, a „nosilac javne funkcije“ je izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Prilikom redovne provjere tačnosti i potpunosti podataka iz Registra imovine nosilaca javne funkcije, Komisije za odlučivanje o sukobu interesa, uočeno je da je M.T. javnu funkciju direktora Razvojno-garantnog fonda Brčko distrikta BiH u prvom četverogodišnjem mandatu obavljao na osnovu Odluke o izboru i imenovanju najuspješnijeg kandidata za direktora Razvojno-garantnog fonda Brčko distrikta BiH broj: [REDACTED] od 08.06.2020. godine i u drugom četverogodišnjem mandatu na osnovu Odluke o izboru i imenovanju najuspješnijeg kandidata za direktora Razvojno-garantnog fonda Brčko distrikta BiH broj: [REDACTED] od 07.06.2024. godine. Provjerom dostavljenih podataka od strane Razvojno-garantnog fonda Brčko distrikta BiH, uočeno je da je tokom 2024. godine od strane ovog pravnog lica koje je osnovao Distrikt, a čije odgovorno lice je direktor M.T., Komisiji za odlučivanje o sukobu interesa nije dostavio obavještenje o prestanku obavljanja javne funkcije i Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, u roku od 30 dana od dana prestanka obavljanja javne funkcije.

Uvidom u obavještenje i Obrazac o javnoj funkciji i nosiocu javne funkcije-Aneks I, dostavljen Komisiji za odlučivanje o sukobu interesa od strane Razvojno-garantnog fonda Brčko distrikt BiH dana 01.11.2024. godine, utvrđeno je da je M.T. kao direktor Razvojno-garantnog fonda Brčko distrikta BiH stupio na javnu funkciju 15.06.2024. godine., te da nosilac javne funkcije M.T. Komisiji za odlučivanje o sukobu interesa, nije dostavio Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, u roku od 30 dana od dana stupanja na javnu funkciju.

Shodno navedenom, Komisija za odlučivanje o sukobu interesa je dana 25.02.2025. godine, po službenoj dužnosti, zaključkom broj: [REDACTED] pokrenula postupak protiv nosioca javne funkcije, M.T., ulica [REDACTED], Brčko, nosioca javne funkcije, direktora Razvojno-garantnog fonda Brčko distrikta BiH, radi sumnje da nije dostavio Komisiji za odlučivanje o sukobu interesa obavještenje o prestanku obavljanja javne funkcije direktora

Razvojno-garantnog fonda Brčko distrikt BiH i Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, u roku od 30 dana od dana prestanka obavljanja javne funkcije čime je postupio protivno odredbama člana 21. stav (3) Zakona o sprečavanju sukoba interesa u institucijama Brčko distrikta Bosne i Hercegovine, kao i radi sumnje da nije dostavio Komisiji za odlučivanje o sukobu interesa Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, u roku od 30 dana od dana stupanja na javnu funkciju, čime je postupio protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana prijema zaključka.

Nakon prijema Zaključka o pokretanju o postupka, broj: [REDAKCIJA] od 25.02.2025. godine, zaprimljen dana 28.03.2025. godine, M.T. iz Brčkog, nosilac javne funkcije, direktor Razvojno-garantnog fonda Brčko distrikta BiH, dana 02.04.2025. godine dostavio je Komisiji Izjašnjenje u kojem je naveo da je istina da nije dostavio obavještenje o prestanku obavljanja javne funkcije direktora Razvojno-garantnog fonda Brčko distrikt BiH i Izvještaj o imovinskom stanju u zakonom propisanom roku, nakon isteka prvog mandata, a kao osnovni razlog za to navodi kontinuitet u obavljanju javne funkcije direktora Razvojno-garantnog fonda Brčko distrikta BiH odnosno neprekidanje radnog odnosa, nadalje navodi da je na osnovu Odluke o izboru i imenovanju najuspješnijeg kandidata za direktora Razvojno-garantnog fonda Brčko distrikta BiH broj: [REDAKCIJA] od 07.06.2024. godine izabran ponovo na poziciju direktora Razvojno-garantnog fonda Brčko distrikta BiH, čime su se stekli uslovi za nastavak radnog odnosa bez prekida, te da nije znao za obavezu obavještenja o nastavku obavljanja javne funkcije direktora Razvojno-garantnog fonda, misleći da to treba uraditi po prestanku radnog odnosa. Takođe, u istom izjašnjenju navodi da je Komisiji nakon našeg dopisa broj [REDAKCIJA] od 22.11.2024. godine dostavio obavještenje o prestanku obavljanja javne funkcije i Izvještaj o imovinskom stanju, i da isti nisu dostavljeni u propisanom roku.

Član 21. stav (3) Zakona o sprečavanju sukoba interesa u institucijama Brčko distrikta BiH, propisuje da je nosilac javne funkcije dužan dostaviti Komisiji obavještenje o prestanku obavljanja javne funkcije i Izvještaj o imovini u roku od 30 dana od dana prestanka obavljanja javne funkcije.

Član 19. stav (1) Zakona o sprečavanju sukoba interesa u institucijama Brčko distrikta BiH, propisuje da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj o imovini, za sebe i bračnog i vanbračnog druga, djecu, druge članove porodičnog domaćinstva kao i lica prema kojim nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan.

Primjenom navedenih zakonskih odredaba na utvrđeno činjenično stanje, ocijenjeno je u konkretnom slučaju da postoji povreda Zakona, s obzirom na to da je M.T., kao nosilac javne funkcije, propustio da u roku od 30 dana od dana prestanka obavljanja javne funkcije dostavi obavještenje o prestanku obavljanja javne funkcije direktora Razvojno-garantnog fonda Brčko distrikta BiH i Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, kao i u roku od 30 dana od dana stupanja na javnu funkciju nije dostavio Komisiji za odlučivanje o sukobu interesa Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, čime je postupio protivno gore navedenim zakonskim odredbama.

Član 38. Zakona propisuje kazne nosiocu javne funkcije koji postupi suprotno članu 19. i 21. Zakona o sprečavanju sukoba interesa u institucijama Brčko distrikta Bosne i Hercegovine, dok su članom 39. Zakona propisane novčane kazne nosiocu javne funkcije koji postupi suprotno odredbama člana 19. i 21. Zakona.

Komisija je, shodno članu 39. Zakona o sprečavanju sukoba interesa u institucijama Brčko distrikta BiH, prilikom odlučivanja o vrsti sankcije koju treba izreći u konkretnom slučaju u obzir uzela sve okolnosti kako bi izrečena sankcija odgovarala učinjenoj povredi Zakona.

Komisija je cijenila činjenicu da je M.T, nosilac javne funkcije, a kako je naveo i u izjašnjenju, nenamjerno propustio da podnese Obavještenje o prestanku obavljanja javne funkcije i Izvještaj o imovinskom stanju nakon prestanka obavljanja javne funkcije u roku od 30 dana od dana prestanka obavljanja javne funkcije, kao i Izvještaj o imovinskom stanju nakon imenovanja na novu javnu funkciju u roku od 30 dana od dana imenovanja na novu javnu funkciju, te činjenicu da je M.T. već podnosio Komisiji izvještaj o imovinskom stanju, i da je kod nosioca javne funkcije morao postojati obrazac ponašanja kao nosioca javne funkcije i svijest o obavezama koje javna funkcija nosi, pa je cijeneći ponašanje imenovanog prema povredi odredaba Zakona kao i opredjeljenost imenovanog da postupi u skladu sa Zakonom, te otkloni razloge koji su ga doveli do kršenja Zakona, Komisija je na osnovu svega navedenog odlučila da se izrekne novčana kazna obustavom dijela isplate neto mjesečne naknade koju nosilac javne funkcije prima za obavljanje javne funkcije u iznosu od 10% (deset posto) neto naknade, kako je to navedeno u izreci rješenja i da ista u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4. 25. i 39. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

Predsjednik
Komisije za odlučivanje o sukobu interesa

Admira Mujić, dipl. pravnik